

豫章叢書

第二冊

樂

年

笑

書

題

白

曲

子

蔓

四

卷

丁卯冬月
于辛巳歲廬

欽定四庫全書總目卷一百六十五

集部別集類

自堂存稿四卷

永樂大典
典本

宋陳杰撰屬鸚鵡宋詩紀事載杰字壽夫分寧人
淳祐十年進士制置司屬官有自堂存稿然鸚
僅錄其題梅壇毛慶甫雲悅樓詩一首云出梅
仙事實則尙未見其集故所載箚里亦不能具
其始末今從永樂大典哀輯遺篇尙得四卷以
其詩語考之四言古詩中春日江永諸篇自註
曰端平以來是當理宗之初已能吟咏其年當
在二十左右下距帝昀德祐乙亥凡四十二年

則宋亡時已近六旬閒蟻記之末署延祐二年
七月是歲乙卯上距宋亡又四十年則杰年已
在百歲外不應如是之壽考時代似不相及又
閒蟻記末稱使其子樵書而刻之元鹿皮子陳
樵實婺州東陽人里籍亦不相符是記殆陳樵
之父所作永樂大典誤題杰名歟然觀集中重
過西湖感事諸篇則爲宋之遺老入元尙在固
可無疑也集中有和大閘芍藥讌詩作於淮南
又有宣檄隨府詩稱泝楚三千里離淮第一程
則先官淮幕後官楚幕與鴈鸚所載制置司屬

官語合又有與節東歸和同幕送行詩稱宜黜
而陞愧在中又有請代詩稱郡小凋殘最又有
乙丑元旦壽昌拜表詩則後亦守郡非竟終於
幕僚厲鶚所載尙爲未盡矣其詩雖源出江西
而風姿峭蒨頗參以石湖劍南格調視宋末江
湖一派氣含蔬筍者戛然有殊在黃茅白葦之
中不可不謂之翹楚據其戊辰重過弋陽石橋
詩註蓋與謝枋得相善又讀邸報諸作排斥姦
諛語皆忠憤而和郭應酉詩自稱扶櫬效死客
自杭來談江上師潰及京師非才誤國極爲不

平云云併附錄郭詩而註曰郭後赴厓山其志
節亦可想見則不徒詩之足傳也

自堂存稿目錄

卷一

四言詩十章

五言古詩三首

七言古詩三十二首

卷二

五言律詩七十九首

卷三

七言律詩一百四首

卷四

五言絕句十四首

六言絕句六首

七言絕句八十三首

賦一

記一

自堂存稿目錄終

自堂存稿卷一

宋 分甯陳 杰 撰

四言詩

春日念本也民爲邦本有土此有民
端平以來作

春日悠悠春風載條春酒思柔
春酒用詩字不取註義念我農

人種秫在疇

春日遲遲春風載時春服有輝念我蠶女勩于桑疇
翩翩黃鳥載好其羽鮮鮮遊于式歌且舞曾孫萬年
敬我有土

春日三章二章章五句一章六句

江永初泛大江瞻言禹迹而有無窮之思

江之永兮朝宗于海匪江永兮洛水攸會洛書其系
兮曷敢不愛

江之永兮于海朝宗匪江永兮河水攸同河圖其系
兮曷敢不恭

江之永兮我瞻禹迹微江之永兮三極幾息三極其
系兮曷敢不惕

江永三章章六句

明月思古人也古人不可得見而見其人之天
悠悠明月載盈載缺我酒在室

皎皎明月載缺載盈我酒在庭

白日苦短而夜苦長遲爾不來明月靡常

載脂我車載秣我馬煌煌于征明月在下

明月四章二章章三句二章章四句

五言古詩

元和

元和天子聖玉燭萬方同乾坤一澄霽草木皆春融
臣度再稽首臣慙三鞠躬一雪洗蔡州敢有貪天功

清坐

晨興絕無思清坐還復佳夜氣不啻存俗氛殊未來

居然類禪定正爾悟心齋明發謝西爽故山先夢回

送別

曉色澹長路微霜乍霑巾
羣妖如撒沙下覆秋江濱
送君萬里船黯然而茲晨
豈無陽關疊亦有酒盈樽
憂端塞宇宙壯懷浩風雲
丈夫矚千載薄細安足陳
欲語重回首天高水無津

七言古詩

書徐經坂先誌

誌云生氣血澤就漸趨盡精神魂魄卽夜循天

青霞餘絢皆成章虎變龍匿超故常
異時欣然獨奇崛觸眼慘淡令人傷
矢心爲詞血爲筆沈恨欲訴天

茫茫波瀾收卷見至性星斗隱翳回幽光題將片石
寄冥漠意與萬古生淒涼山靈護持夜半泣悲風著
木春無芳伯庸罔極白日短龍舒歸夢青山長萬鍾
不解羊棗痛一死儻補南陔亡載之實錄非虛譽斯
女知心地下郎檀弓孝經不浪許椽筆足徵老玉堂

趙庸齋作
墓碑云然

曩從玉泉道人見壽亭侯印大可方二寸併解
池龍骨一枚云侯所下討者今從玄潭道人
見旌陽令劒長不過五六寸云令留以鎮水
妖者皆微物遠不可考道人請予賦劒因併

自堂有和
三
及印以起興焉

玉泉寺中三鈕銅十年解池討業龍當時何不佐取
流馬出火德重開兩都日玄潭觀中半圭鐵千年龍
沙擬蛟孽當時何不喚取泉阿歸汎灑河洛風雷飛
白衣搖艣天難料鷄犬雲中帝親召漢陵無樹兮晉
國成丘待侯不來兮仙又竟去而莫留徒使我百世
而下生閒愁荊州看印心尙烈洪州看劒頭如雪

和山長胡端逸辭歸

漢濱人物誰耆舊湖上古松吾老友入郭人民半是
非升堂絲竹真烏有煩君楚舞吾楚歌街頭小兒笑

阿婆明年湖水還綠波攜詩來看田田荷

讀史

口體乃累人寒餓事亦細擁篲何爲者妨害雪中睡
先生死非令尹辱彼四百家無罪哭粟三鍾薪十束
天留先生雪楚獄

望廬山

去年山中行未了廬山意今年江上望始盡廬山勢
只道山中行未識廬山面那知江上望已失廬山願
人生出處前料難向來窗下有此山一行作吏事便
廢十年讀書早已悔五老招人笑舉頭三老催船不